

Իսկ յորժամ հաստատեցին զերեսս իւրեանց դառնալ յարքայարանս, զի եղեն նշանք այսպիսիք, որ ի Լուսաւորչի տօնին առ յՈւրբաթ օրն լինէր հուր հըրգեհիչ ի պաղատն արքունական առ ի կացք վալիտին, որով բազում ընչից չքումն լինէր: Իսկ յետ աւուրց Ը-ից ի նոյնում աւուր լինէր ի դարպասն մեծ, որ ասի Ղատըղախիմանի՝ ի միջոյ նորա, զոր հազիւ մարեցին: Յետ աւուրց Ը-ից՝ մեծի Ձչի լինէր ի վերայ բլրին ծիհանկիր փաշայ կամ Այվազ փաշայ կոչեցելոյ սաստիկ հրդեհմամբ: ԺԲ աւուրբ յառաջ եկն ի Տաւութ փաշայ վալիտէն. և արքայն յաւուր Ձատկէ կիրակէի եմուտ հանդերձ ամենեքումբք և նոյն պահու անց յՈւսկիւտարն ի Չամլուճայ և կայր անյաք շրջագայութեամբ արտաքոյ քաղաքիս ի յորս, և մուտ բնաւին չկամէր ի քաղաքս առ ի գահոյս իւր:

Եւ յաւուրս Ձատկաց ելին միանգամայն զօրք և զօրագլուխք ամենայն բանակօք յէտրէնու և եկեալ մտին ի քաղաքս յաւուր Ձատկէ կիրակէի, որ էր Մարտի ամիս Լ, ընդ արքային իւրեանց: Եւ ի նոյն աւուրս փոխեաց զղափուտանն և եղ ի տեղի նորա զեկեալն յԱմթայ զառաջին սիլիհտար թագաւորի Մուստաֆայ: Եւ յետ աւուրց՝ իբրև աւուրց ութից՝ այգուցն նոր կիրակէի (6 Ապրէլ) կնքեաց տէֆտէրտարն զգրունս նորաչէն եկեղեցեացն և երաց, և կամէր զի լուելեան նոր իմն բան հոգալ և գրամ ինչ ուտել և թողուլ, բայց զի ոչ կարաց և յոյժ աղճատեալ էր ի լեզուս բռնակալաց անդէն յէտրէնէ. եւ աստանօր այսպէս պատճառ ինչ ասացին, նախ՝ զի փաթրիկն մեր ի դուրս նոցա ասէր թէ Հաց չեն տալ ինձ և ոչ համարին զիս իւրեանց մեծաւոր, զեկեղեցիքն իւրեանք ունին, շինեալքն իմով զիտուութեամբ չէ և եղէ ես անճարակ: Եւ զայս ընկալ դու Բ պատճառ, մէկ զի յորժամ զայմախամ եղեւ մէկ ըստակ փէշքէշ եւ ընծայ ոչ